

Tus txiv, tub ki thiab cuab kwv tij yuav tau nta tus niam tub ntees daws lub teb lub chaw. Hnub twg tus niam tau hla ib rog mus ua neej rau tom ntej lawm, tus txiv thiab tub ki nrog tsoom kwv tij yuav tsis nrog paub lawm.

Tus txiv yuav tau cia tus niam nrog kwv nrog tij los yog tub ki nyob. Hnub twg tus niam puv 120 xyoo, tus niam tseem yog tus txiv li dab qhuas. Tus txiv, cov kwv tij thiab tub ki yuav tau los nta tus niam lub ntees raws li teb li chaw. Yog tus niam ho hla ib rog mus ua neej rau tom ntej lawm, tus txiv nrog rau cuab kwv tij thiab tub ki tsis nrog lav paub lawm.

TSHOOJ XI – FEEM I: TXOJ CAI XA POJ XA SEV

F1. Yog tus niam tsis muaj dab tsis txhaum txheej lis, tus txiv xwb tim tsis xav yuav nws tus poj niam lawm. Tus txiv yuav tsum tau ua raws li hauv qab no:

7. \$1,200 kws plhu nrog rau lub ncauj ntsiag, tsoos laus xa tus niam rov mus rau neej tsa.
8. \$200 kho neej kho tsav
9. \$50 ua nqi rau ob tug kev txwj neeg laus cev ncauj lus
10. Tus txiv tsis muaj cai los hais txog ntawm nqi tshoob kos thiab nqi noj haus lawm
11. Tus txiv yuav tsum tau ua daim ntawv nrauj rau tus niam.
12. Tus txiv tsis muaj cai los ntxeeb cuab yeej cuab tam, khoom vaj khoom tsev

F2. Yog tus txiv tsis muaj dab tsis txhaum txheej li, tab sis tus niam xwb tim tsis xav yuav nws tus txiv xwb. Tus niam yuav tsum tau ua raw li hauv qab no:

1. Tus niam yuav tsum tau ua daim ntawv nrauj rau tus txiv

2. Tus niam yuav tsum tau thim nqi tshoob
3. Muab \$400.00 them los ua nqi ncauj lus rau kev txwj laug
4. Tus niam tsis muaj cai ntxeeb cuab yeej cuab tam, khoom vaj khoom tsev

F3. Yog tus niam ho tsis tsim txiaj mus ua plees ua yi, mus ua tub sab tub nyiag. Tus txiv yuav tsis taus lawm, yog tus txiv xa, tus txiv yuav tau xa raws li hauv qab no:

1. \$200 ua nqi rau ob tus kev, txwj neeg laus.
2. \$200 kho neej tsa
3. Tsis muaj nqi tshoob thiab lub ncauj tsiag lawm

F4. Yog tus niam ho tsis tsim txiaj mus ua plees ua yi thiab nrog hluas nraug mus lawm, tus niam yuav tsum tau ua raws li hauv qab no:

1. Thim nqi tshoob
2. Ua daim ntaw nrauj rau tus txiv (yog yuav legally)
3. \$400 ua nqi ncauj lus rau kev txwj laus neeg

TSHOOJ XI FEEM II: KEV XA TUS NKAUJ XWB

1. Tus tub mus coj tau ib tus ntxhais nkauj xwb los ua poj ua sev. Tom qab lwm qaib thiab fi xov tas, tab sis tsis tau coj mus xaus tshoob. Tus tub ho tsis xav yuav lawm, nws yuav tsum ua raws Ii hauv qab no:

1. \$1,200 kws plhu tus ntxhais (kho tus ntxhais ntsej muas)
2. \$100 ua nqi taw rau ob tug kev txwj neeg taus cev ncauj / lus (Ib tug \$50.00)
3. \$200 kho neej kho tsav, muas neej muas tsav